



## Viðmiðunarreglur Norðurþings um skólaakstur í grunnskóla

### 1. gr.

#### Gildissvið og orðskýringar.

Reglur þessar eru settar með vísan til 1. mgr. 3. gr. reglugerðar um skólaakstur í grunnskóla nr. 656/2009. Þær taka til skipulags skólaaksturs milli heimilis og grunnskóla. Með skólaakstri er í viðmiðunarreglum þessum átt við akstur á milli heimilis og grunnskóla þar sem þess er þörf til að tryggja eins jafnan aðgang nemenda að grunnskólanámi og mögulegt er. Heimili í reglum þessum merkir skráð lögheimili eða annar staður þar sem nemandi hefur fasta búsetu.

### 2. gr.

#### Ábyrgð.

Norðurþing ber kostnað og ábyrgð á öryggi, velferð og hagsmunum nemenda í skólaakstri og að uppfylltar séu kröfur laga og reglugerða um umferðaröryggi.

### 3. gr.

#### Akstursáætlun.

Skólaakstur skal skipulagður í samræmi við þarfir nemenda með hliðsjón af öryggi þeirra, velferð og umhverfisaðstæðum, svo sem fjarlægðar milli heimilis og skóla.

Daglegum skólaakstri ber að haga með þeim hætti að nemendum sé ekið heim sem fyrst eftir að skóladegi lýkur. Miða skal við að daglegur heildartími skólaaksturs, að meðtöldum biðtíma, sé að jafnaði ekki lengri en 120 mínútur. Fjölskylduráð Norðurþings skal fyrir upphaf hvers skólaárs birta áætlun um skólaakstur. Áætlunina skal kynna skólaráðum og skal hún vera íbúum sveitarfélagsins aðgengileg á heimasíðu sveitarfélagsins og í viðkomandi skólum.

### 4. gr.

#### Samningar um skólaakstur.

Tilhögun skólaaksturs getur verið með tvennum hætti:

**4.1.** Gerðir eru samningar við verktaka um ákveðnar sérleiðir sem eru nánar tilgreindar (fylgiskjal 1.) Sveitarstjórn ákveður hvort leiðir séu boðnar út eða tilboða sé leitað. Þær leiðir sem um ræðir eru;

1. Þjóðvegur frá austurmörkum skólahverfis Öxarfjarðarskóla
2. Þjóðvegur frá vesturmörkum skólahverfis Öxarfjarðarskóla
3. Þjóðvegur frá syðri mörkum skólahverfis Borgarhólsskóla í Reykjahverfi.

**4.2.** Þar sem aðstæður krefjast þess svo sem vegna erfiðra heimvega eða fjarlægðar einstakra býla frá skilgreindum akstursleiðum skólabifreiða er heimilt að semja við forráðamenn um þátttöku í skólaakstri gegn þóknun. Samningar skulu vera uppsegjanlegir. Þóknun til foreldra vegna þátttöku í skólaakstri miðast við reglur í fylgiskjali 2 samkvæmt þessum viðmiðunarreglum. Fyrirkomulaginu er ætlað að tryggja öryggi barna að skólabíl eða í skóla eftir atvikum. Samninga við foreldra ber að staðfesta í Fjölskylduráði Norðurlþings að fenginni umsögn skólastjóra viðkomandi skóla.

## **5. gr.**

### **Öryggi og búnaður skólabifreiða.**

Bifreið, sem notuð er í skólaakstri samkvæmt lið 4.1, skal uppfylla skilyrði til fólksflutninga samkvæmt lögum þar um, reglugerðum og settum reglum um öryggi farþega, gerð, búnað og notkun öryggis- og verndarbúnaðar og merkingu bifreiða sem í gildi eru á hverjum tíma. Í bifreiðum sem notaðar eru í skólaakstri skal vera fjarskiptabúnaður.

Bifreiðastjóri, í samráði við skólastjóra, leggur mat á hvort aðstæður séu með þeim hætti, t.d. vegna veðráttu eða ófærðar, að breyta þurfi út frá fyrirbyggjandi áætlun um daglegan skólaakstur. Tilkynna ber um slíkar breytingar án tafar til skólans sem kemur upplýsingum til foreldra barna er breytingin varðar.

Skólastjóri í samráði við Fjölskylduráð Norðurlþings metur hvort þörf sé á gæslumanni í skólabifreið með hliðsjón af öryggi, fjölda, aldri nemenda og samsetningu nemendahópsins sem ferðast með bifreiðinni, vegalengd og öðrum aðstæðum. Skólareglur, skv. 30. gr. laga nr. 91/2008 um grunnskóla, eiga við um framkomu og háttsemi nemenda í skólaakstri. Fara skal með brot á skólareglum skv. 14. gr. laga um grunnskóla.

Bifreiðastjóra ber að sýna sérstaka aðgát áður en nemendum er hleypt inn eða út úr skólabifreið.

## **6. gr.**

### **Bifreiðastjóri skólabifreiða.**

Bifreiðastjóri skólabifreiða samkvæmt lið 4.1. skal hafa aukin ökuréttindi og hafa sótt skyndihjálparnámskeið og önnur þau námskeið sem sérstaklega eru ætluð bifreiðastjórum fólksflutningabíla. Verktaka er skylt að tryggja að viðeigandi gögn séu lögð fram framangreindu til staðfestingar.

Ákvæði um þagnarskyldu starfsfólks skóla og tilkynningarskyldu til barnaverndaryfirvalda taka til bifreiðastjóra skólabifreiðar þó að hann sé ekki starfsmaður sveitarfélags. Í samningi Norðurlþings um skólaakstur á þess vegum skal kveðið sérstaklega á um hæfi og skyldur bifreiðastjóra. Óheimilt er að ráða bifreiðastjóra til skólaaksturs eða gæslumann, sbr. 3. mgr. 5. gr., sem hlotið hefur refsidóm fyrir brot á ákvæðum XXII. kafla almennra hegningarlaga. Við afgreiðslu verktaka á umsókn um starf bifreiðastjóra eða gerð verktakasamnings skal liggja fyrir sakavottorð eða heimild til fræðslufulltrúa til þess að afla upplýsinga úr sakaskrá, sbr. 3. mgr. 11. gr. laga nr. 91/2008 um grunnskóla.



## **7. gr.**

### **Fatlaðir nemendur.**

Nemendur sem sökum fötlunar geta ekki nýtt sér almenningssamgöngur eða skólaakstur eiga rétt á ferðapjónustu til og frá skóla skv. 1. mgr. 35. gr. laga nr. 59/1992 um málefni fatlaðra.

## **8. gr.**

### **Um meðferð ágreiningsmála.**

Telji foreldri einhverju áfátt í fyrirkomulagi skólaaksturs eða að á rétti barns sé brotið getur það leitað leiðréttingar hjá hlutaðeigandi skólustjóra, fræðslufulltrúa eða sveitarstjóra. Fáist ekki viðunandi lausn ber að vísa málinu til Fjölskylduráðs Norðurþings.

## **9. gr.**

### **Samningsgerð**

Fræðslufulltrúi Norðurþings ber ábyrgð á samningagerð samkvæmt þessum reglum og ber að vísa samningum til umsagnar í Fjölskylduráði og staðfestingar í sveitarstjórn.

## **10. gr.**

### **Gildistaka.**

Viðmiðunarreglur þessar taka gildi við staðfestingu sveitarstjórnar Norðurþings og skulu þær vera aðgengilegar á vef sveitarfélagsins.



Samþykkt í fræðslu- og menningarnefnd Norðurþings þann 25. nóvember 2015

Staðfest í bæjarstjórn Norðurþings þann 1. desember 2015

Jón Höskuldsson Fræðslufulltrúi Norðurþings

Reglur endurskoðaðar í Fjölskylduráði Norðurþings þann 22. mars 2021

og staðfest í sveitarstjórn 20. apríl 2021.



Fylgiskjal 1. Skilgreindar sérleiðir fyrir skólaakstur í Norðurþingi.

- a) Þjóðvegur frá austurmörkum skólahverfis Öxarfjarðarskóla.
- b) Þjóðvegur frá vesturmörkum skólahverfis Öxarfjarðarskóla
- c) Þjóðvegur frá syðri mörkum skólahverfis Borgarhólsskóla í Reykjahverfi.



Fylgiskjal 2. Viðmið fyrir þóknun til forráðamanna vegna skólaaksturs.

1. Ekki er greitt fyrir skólaakstur í þéttbýli né skólaakstur þeirra barna í dreifbýli sem hafa lögheimili innan við 1,5 km frá skóla.
2. Greiddir eru allir eknir km frá heimili að akstursleið skólabifreiðar eða í skóla ef svo ber undir, sbr. 3. tölulið.
3. Greiðsla fyrir akstur tekur mið af akstursgjaldi ríkisstarfsmanna á hverjum tíma:
  - a. Vegna aksturs á þjóðvegum með bundnu slitlagi er greitt almennt gjald.
  - b. Vegna aksturs á þjóðvegum með malar slitlagi og greiðfærum malarheimvegum er greitt sérstakt gjald.
  - c. Vegna aksturs á þjóðvegum með takmarkaðri þjónustu svo sem vegum sem falla undir helmingsmokstursreglu greiðist torfærugjald.
  - d. Vegna aksturs á torfærum heimvegum, sem ábúendur kunna að þurfa að moka sjálfir til að tryggja að börn komi tímanlega í skóla, greiðist torfærugjald en að auki er heimilt að semja um sérstakt álag vegna moksturs.

